

Broj: 01/1–_____/22

Kakanj: __.07.2022. godine

Na osnovu člana 59. Zakona o zaštiti okoline ("Službene novine Ze–Do Kantona" broj: 1/00), tačke 1. Odluke o načinu raspodjele sredstava Fonda za zaštitu okoline Zeničko – dobojskog kantona ("Službene novine Ze–Do Kantona" broj: 18/12 i 1/15), člana 24. Statuta Općine Kakanj ("Službene novine Općine Kakanj" broj 4/08), člana 70. Odluke o izvršenju Budžeta Općine Kakanj za 2022. godinu (Službene novine Općine Kakanj broj: 1/22), člana 92. i 100. Poslovnika o radu Općinskog vijeća („Službene novine Općine Kakanj“ broj: 6/11, 4/16 i 6/16), Općinsko vijeće na svojoj __ sjednici, održanoj dana __.__.2022. godine, **donijelo je**

ODLUKU

o izmjenama i dopunama Programa utroška namjenskih sredstava za zaštitu okoline Općine Kakanj za 2022. godinu

Član 1.

U Programu utroška namjenskih sredstava za zaštitu okoline Općine Kakanj za 2022. godinu, u Tabeli 3. Projekti redovnog održavanja i novi projekti za 2022. godinu, mijenjaju se i dodaju sljedeće tačke:

- Tačka 15. briše se naziv projekta "Otplata kamata za 2022. godinu po kreditu za vodosnabdijevanje (KfW, FMF)" i dodaje se novi naziv „Izrada idejnog projekta biciklističke staze Separacija – Haljinići“. Iznos od 73.266,41 KM mijenja se na iznos od 30.000,00 KM (tabela u prilogu);
- Tačka 22. „JP Vodokom d.o.o. Kakanj“, iznos ostaje isti, mijenja se Svrha i cilj projekta (tabela u prilogu);
- Tačka 23. „JP Grijanje d.o.o. Kakanj“, iznos ostaje isti, mijenja se Svrha i cilj projekta (tabela u prilogu);
- Dodaje se nova tačka 28. „FK Rudar Kakanj – nastavak projekta, nabavka i zamjena podloge za mali pomoćni teren“ u iznosu od 43.266,41 KM (tabela u prilogu).

Član 2.

U ostalom dijelu Program utroška namjenskih sredstava za zaštitu okoline Općine Kakanj za 2022. godinu ostaje neizmjenjen.

Član 3.

Ova Odluka stupa na snagu danom donošenja a objavit će se u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Slaven Katičić

OBRAZLOŽENJE

Tačka 22.

JP Vodokom d.o.o. Kakanj obratio se zahtjevom za izmjenu Programa gdje bi se sredstva u iznosu od 100.000,00 KM utrošila za nabavku specijalne mašine Kombinerke tzv. SKIP. (Dopis u prilogu).

Tačka 23.

JP Grijanje d.o.o. Kakanj obratio se zahtjevom za izmjenu Programa na način da se rekonstrukcija vrelovoda od TP II do OŠ Hamdija Kreševljaković proširi i na rekonstrukciju ogrnanaka vrelovoda za TP I, TP IV i TP Boračka te za izgradnju TP Pošta, obzirom da planirani iznos sredstava od 350.000,00 KM može biti za pomenute radove. (Dopis u prilogu).

Tačke 15 i 28.

Tačka 15. Programa - Otplata kamata za 2022. godinu po kreditu za vodosnabdijevanje (KfW, FMF) se briše iz Programa utroška namjenskih sredstava za zaštitu okoline Općine Kakanj za 2022. godinu zbog nedobijanja saglasnosti od strane nadležnog Kantonalnog Ministarstva za prostorno uređenje, promet i komunikacije i zaštitu okoline a sredstva se raspoređuju na dva nova projekta i to:

- „Izrada idejnog projekta biciklističke staze Separacija – Haljinići“ u iznosu 30.000,00KM (Tačka 15), i

- „FK Rudar Kakanj – nastavak projekta, nabavka i zamjena podloge za mali pomoćni teren“ u iznosu 43.266,41 KM (Tačka 28).

Tačka 15.

Ukidanjem željezničkog transporta uglja od strane Rudnika mrkog uglja Kakanj d.o.o. Kakanj, Pogon Haljinići – Pogon Separacija te na osnovu dopisa istih kojim se ova trasa nudi Općini Kakanj kako bi osmislila projekat njene dalje upotrebe, potrebno je izraditi idejni projekat nove biciklističke staze na pomenutoj dionici.

Tačka 28.

U Programu utroška namjenskih sredstava za zaštitu okoline Općine Kakanj za 2022. godinu opredjeljena su sredstva u iznosu 50.000,00 KM za nabavku i zamjenu postojećeg dotrajalog terena (podloge) koji se koristi za trening mlađih selekcija (djece) na stadionu F.K. RUDAR KAKANJ. Ukupna površina predmetnog terena iznosi 1.700 m². Nakon poremećaja cijena na tržištu i znatnog poskupljenja roba i usluga, te nakon provedenog otvorenog postupka javne nabavke planirani iznos od 50.000,00 KM bio je dostatan za zamjenu ukupno 1.000 m² terena tako da će se provedenom nabavkom zamjeniti taj dio terena dok ostatak od 700 m² ostaje nezamjenjen i nefunkcionalan. Ovim novim projektom omogućila bi se kompletna zamjena terena koja je u potpunosti dotrajala i nabavka golova i zaštitnih mreža koje ispunjavaju propisane minimalne sigurnosne standarde za trening mlađih selekcija.

OBRAĐIVAČ :

**Služba za privredu, urbanizam i zaštitu
okoline**

PREDLAGAČ:

Općinski načelnik

Mirnes Bajtarević

Prilog

Tabela Izmjene i dopune Tabele broj 3. Projekti redovnog održavanja i novi projekti za 2022. godinu

Redni broj	Naziv pozicije	Iznos sredstava	Svrha i cilj projekta
15.	Izrada idejnog projekta biciklističke staze Separacija – Haljinići	30.000,00	Ukidanjem željezničkog transporta uglja od strane Rudnika mrkog uglja Kakanj d.o.o. Kakanj, Pogon Haljinići – Pogon Separacija te na osnovu dopisa istih kojim se ova trasa nudi Općini Kakanj kako bi osmislila projekat njene dalje upotrebe, potrebno je izraditi idejni projekat nove biciklističke staze na pomenutoj dionici.
22.	JP Vodokom d.o.o. Kaknj	100.000,00	Sredstva namijenjena za nabavku namjenske opreme, mašina za registrovanu djelatnost, specijalna mašina Kombinerka tzv. SKIP.
23.	JP Grijanje d.o.o. Kaknj	350.000,00	Sredstva namijenjena za rekonstrukciju magistralnog vrelovoda sistema daljinskog grijanja od TP II do OŠ Hamdija Kreševljaković, ogranka vrelovoda za TP I, TP IV , TP Boračka, te sredstava za izgradnju TP Pošta sa pripadajućim vrelovodom i toplovodom.
28.	FK Rudar Kakanj – nastavak projekta, nabavka i zamjena 700 m ² podloge za mali pomoćni teren	43.266,41	Sredstva namijenjena za nabavku preostalih 700 m ² podloge za mali pomoćni teren, te za nabavku opreme (golovi, zaštitna mreža), obzirom da postojeća oprema ne zadovoljava propisane minimalne sigurnosne standarde za trening mlađih selekcija.